



Broj : 04/1-sl/15
Ilijaš, 10.11. 2015. godine

STRUČNA SLUŽBA OPĆINSKOG VIJEĆA
I OPĆINSKOG NAČELNIKA

PREDMET : Dostava odgovora na vijećnička pitanja i inicijative

Na 34. sjednici OV Ilijaš održanoj 29. 10. 2015. godine postavljena su slijedeća vijećnička pitanja i inicijative:

NIJAZ RASTODER -vijećnik LDS-a

Pitanja:

Treće, pitanje vezano za pijacu. Očito je da mi je dobro odgovoreno, pijaca radi na "divlje", nema nikakvih papira, nije pokrivena inspekcijskim papirima. Drugo, pitanje ko naplaćuje parking ispred TC "Bingo", odgovor je da to radi "Vodostan", a u dogovoru sa TC "Bingo". Sada postavljam slijedeće pitanje, obzirom da se radi o javno privatnom partnerstvu:

1. Tražim ugovor sklopljen između TC "Bingo" i JKP "Vodostan" o naplati parkinga ispred TC "Bingo".

Odgovor: Odgovor JKP "Vodostan" doo Ilijaš u prilogu

BESIM GLJIVA – vijećnik Stranke za Srednje

Pitanje:

1. Šta je razlog pa na izvorištu "Vrela" još nije instaliran hlorinator koji je Općina Ilijaš kupila još prije godinu i više i isti je pohranjen, po mojim saznanjima, u magacnu JKP "Vodostan" doo Ilijaš?
Navedeno izvorište koristi šire područje MZ Gajevi i voda se koristi za piće, a istu je neophodno povremeno hlorisati.

Odgovor: Odgovor JKP "Vodostan" doo Ilijaš u prilogu

4. Inicijativa:

Pokrećem inicijativu da se prilikom kreiranja Nacrta Budžeta Općine Ilijaš za 2016. godinu obavezno predvide sredstva za djelimičnu sanaciju izvorišta Vrela kako bi se obezbijedio veći dotok vode u izvorište, jer ovom području prijeti totalni kolaps u vodosnabdijevanju, pošto je vodozahvat "Vrutak" za koji je izrađen projekat izgleda samo jedna velika nada za ovo područje. Razlog su prije svega investicija cca 1.500.000 KM, a pomalo i naša nezainteresiranost da ovaj projekat stavimo u prioritet. Navedeni vodozahvat "Vrutak" bi riješio cijelo tzv. Gornje područje Općine Ilijaš obuhvatajući i zaštićeni pejzaž Bijambare sa dovoljnom količinama vode, a čak bi se mogle predvidjeti određene količine i za sam grad Ilijaš.

Odgovor:

Općina Ilijaš teži da sva naselja budu snabdjevena pitkom vodom. Tako i u cilju redovnog snabdijevanja stanovništva pitkom vodom sa vodozahvata "Vrela" svake godine iz Budžeta općine Ilijaš izdvoje se potrebna sredstva za njegovo održavanje i funkcionisanje.



Služba za privredu, finansije i investicije

U ovoj godini urađen je Elaborat vodozaštitnih zona za izvorište Vrutak na bazi čega je OV Ilijaš usvojilo Odluku o zonama sanitarne zaštite i zaštitnim mjerama za izvorište Vrutak. Na osnovu istog definisan je obuhvat prve zaštitne zone unutar koje je locirano izvorište za koje je potrebno riješiti imovinsko-pravne odnose, za što će se u Budžetu za 2016. godinu obezbijediti neophodna sredstva i tako stvoriti neophodni uslovi za dalju realizaciju projekta.

MARIONETA ILIĆ-JURETA – vijećnica SDP-a

Inicijative:

1. Pokrećem inicijativu da se još jednom izađe na teren i utvrdi stanje vodosnabdijevanja u naselju Povoča, te ispita i nađe rješenje za stanovništvo naselja Povoča i Ulištovići.
2. Pokrećem inicijativu da se spoje izvori ispod korita, te napravi jedan veći bazen koji bi napravili i finansirali JKP "Vodostan" Ilijaš, te postavili satovi kako bi se na taj način vršilo i plaćanje. Na taj način bi se riješila i prethodna inicijativa.

Odgovor: Odgovor JKP "Vodostan" doo Ilijaš u prilogu
S poštovanjem

Dostavljeno:

1. Naslovu
2. a/a

Služba za privredu, finansije i investicije



Jkp Vodostan d.o.o. Ilijaš

126 Brigade 60, 71380 Ilijaš, Tel/Fax : 400-740, Tel : 400-024

email: jkp.vodostan@gmail.com; Br.Rješ.: 065-0-Reg-14-003778

ID: 4200171710000 ; PDV ID: 200171710000

Broj: 1301 /15

Ilijaš, 05.11.2015 godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINA ILIJAŠ
OPĆINSKI NAČELNIK
Služba za privredu, finansije i investicije

Predmet: Vijećnička pitanja i inicijative sa 34. sjednice Općinskog vijeća Ilijaš od 29.10.2015 godine

Vijećničko pitanje vijećnika Nijaza Rastodera –LDS-a

Treće, pitanje vezano za pijacu. Očito je da mi je dobro odgovoreno, pijaca radi na "divlje", nema nikakvih papira, nije pokrivena inspeksijskim papirima. Drugo pitanje ko naplaćuje parking ispred TC "Bingo", odgovor je da to radi "Vodostan", a u dogovoru sa TC "Bingom". Sada postavljam slijedeće pitanja, obzorim da se radi o javno privatnom partnerstvu tražim ugovor između TC "Bingo" i JKP "Vodostan" d.o.o o naplati parkinga ispred TC "Bingo".

Odgovor na vijećničko pitanje

Odluka o usklađivanju statusa Javno komunalnog preduzeća "Vodostan" d.o.o Ilijaš sa Zakonom o javnim preduzećima, usvojena je na 11. sjednici Općinskog vijeća održanoj dana 27.10.2005 godine. U članu 8. navedene Odluke taksativno su pobrojane djelatnosti koje Preduzeće može obavljati. Između ostalih, registrovana je djelatnost i trgovine na malo na štandovima i tržnicama, te su iste registrovane u Kantonalnom sudu Sarajevo br.UF7I-2608/05 od 02.06.2006 godine. Navedena registracija u sudu je više puta od tog datuma usklađivana kako su to zakonski propisi nalagali, ali odredbe o registriranim djelatnostima ostale su nepromijenjene.

Dogovor sa TC "Bingom" nema obilježja i elemente javno privatnog partnerstva kako je to uređeno članom 2. Zakona o javno- privatnom partnerstvu (Sl. novine Kantona Sarajevo br.27/11), nego je riječ o obligaciono pravnom odnosu.

Dogovor između Binga i Vodostana je do sada funkcionisao na osnovu usmenog sporazuma o ustupanju parking prostora za vrijeme pijace subotom, bez bilo kakve naknade, uz obavezu čišćenja i pranja nakon pijace. U zadnji mjesec dana ovo preduzeće je poslalo pismo namjere "Bingu" s ciljem se takav dogovor sačini u pisanom obliku, kao privremno rješenje, do izgradnje objekta tržnice.

Vijećničko pitanje vijećnika Besim Gljiva – Stranka za srednje

Šta je razlog pa na izvorištu "Vrela" još nije instaliran hlorinator koji je Općina Ilijaš kupila još prije godinu i više i isti je pohrajen po mojim saznanjima, u magacin JKP "Vodostan" d.o.o Ilijaš ?

Navedeno izvorište koristi šire područje MZ Gajevi i voda se koristi za piće, a istu je neophodno povremeno hlorisati.

Odgovor na vijećničko pitanje

Preduzeće Vodostan je posredovalo u nabavci između Općine kao investitora i vlasnika lokalnog vodovoda u Gajevina kao krajnjih korisnika, pri nabavci hlorinatora za dezinfekciju vode na izvoru "Vrela". Hlorinator je nabavljen i on se nalazi u magacinu Vodostana, ali nije ugrađen jer je nedostajao spojni materijal za priključenje na vodovodnu mrežu.

Naknadno je nabavljen i potrebni spojni materijal ali predstavnici lokalnog vodovoda od tada do danas nisu obratili Preduzeću za preuzimanje istog. Hlorinator je kompletan i na prvi zahtjev od strane vlasnika vodovoda će im biti predat.

Inicijativa vijećnice Marioneta Ilić-Jurić – SDP

1. Pokrećem inicijativu da se još jednom izađe na teren i utvrdi stanje vodosnabdijevanja u naselju Povoča, te ispita i nađe rješenje za stanovništvo naselja Povoča i Ulištovići.
2. Pokrećem inicijativu da se spoje izvori ispod korita, te napravi jedan veći bazen koji bi napravili i finansirali JKP "Vodostan" d.o.o Ilijaš, te postavili satovi kako bi se na taj način vršilo i plaćanje. Na taj način bi se riješila i predhodna inicijativa.

Odgovor na inicijativu

Navedena naselja se vodosnabdijevaju sa lokalnih izvorišta koji su u vlasništvu fizičkih lica koji su te objekte izgradili a u skladu sa Zakonom o vodom Kantona Sarajevo . Preduzeće je u toku ove godine na "dobrovoljnoj osnovi" s željom da pomogne stanovništvu, izvršilo obilazak izvorišta i bazena sa kojeg se vodosnabdijevaju korisnici u Ulištovićima i pružilo svaku moguću pomoć, u smislu čišćenja bazena i dopreme vode za piće u cisterni u vrijeme sušnog perioda kada je izvorište bilo gotovo presušilo.

Dakle, od strane ovog Preduzeća je urađeno sve ono za što je tehnički i kadrovski osposobljeno, ali da je za trajno rješenje problema vodosnabdijevanja potrebno konsultovati stručnjake koji će izvršiti snimanje terena, utvrditi kapacitet izvorišta, i projektom dati najbolje rješenje.

Član 38. Zakona o komunalnim djelatnostima (Sl.novine Kantona Sarajevo br.31/04) daje odgovor na drugu inicijativu u kome se jasno vidi na koji način se finansira građenje objekata i uređaja komunalne infrastrukture.

S poštovanjem !

Dostaviti:
☒ X Način
☐ X a/a

DIREKTOR
Belma Zukić, dipl.pravnik